



PAENITENTIARIA APOSTOLICA

Prot. N. 929/16/1

BEATISSIME PATER,

Georgius Lenzi, Procurator generalis pro hac vice Instituti a Bono Pastore, ad instantiam Moderatoris Generalis, Philippi Laguérie, Sanctitati Tuae ex animo filiales devotionis sensus pandit et humiliter exponit praedictum Institutum per Decretum Congregationis pro Clericis die VIII septembris MMVI, ad gradum Societatis Vitae Apostolicae iuris Pontificii, evectum esse.

Ad debitas gratias Deo agendas, ipso die decies anniversario, in singulis Instituti sacellis, peculiare indictae sunt celebrationes. Horum spiritualium inceptorum fructus et gratiae facilius attingentur, si Sanctitas Tua plenariae Indulgentiae donum benigne impertire dignabitur.

Et Deus, etc.

Die XX Octobris MMXVI

PAENITENTIARIA APOSTOLICA, de mandato Sanctissimi Patris Francisci, plenariam libenter concedit Indulgentiam, suetis conditionibus (sacramentali confessione, eucharistica communione et oratione ad mentem Summi Pontificis) rite adimpletis, christifidelibus vere paenitentibus atque caritate compulsis ad instar iubilaei in omnibus Instituti a Bono Pastore sacellis et in sacris aedibus pastoralis curae iubilari Instituto commissis, lucrandam:

a.- die VIII Decembris MMXVI, si cui sacrae functioni pie interfuerint et consecrationem Immaculato Cordi Mariae publice emisserint vel renovaverint;

b.- die dominica XXX Aprilis MMXVII, dominica Bonis Pastoris, si cui sacrae functioni pie adstiterint, addentes Orationem Dominicam, Symbolum Fidei et invocationem Beatae Mariae Virginis.

Iubilari Instituti sodales aliique fideles in eorum domibus commorantes, qui, propter infirmitatem aliasve iustas causas impediuntur quominus sacellum visitare possint, in loco ubi impedimentum eos detinet, plenariam consequi valebunt Indulgentiam, si, eisdem diebus, concepta detestatione cuiuscumque peccati, et intentione praestandi, ubi primum licuerit, tres consuetas condiciones, spiritalem desiderio cordis visitationem peregerint, preces ut supra pie recitaverint, doloribus suis vel incommodis propriae vitae misericorditer Deo per Mariam oblati.

Praesenti pro hac vice tantum valituro. Contrariis quibusque minime obstantibus.

Maurus Card. Piaccenza
MAURUS Card. PIACCENZA
Paenitentiaris Maior

Christophorus Nyf